

CYDBWYLLGOR LLYWODRAETHU PARTNERIAETH PENSIWN CYMRU

DYDD MERCHER, 28 GORFFENNAF, 2021

YN BRESENNOL: Y Cynghorydd C. Lloyd [Cadeirydd]

Y Cyngorwyr:

G. Caron, P. Jenkins, P. Lewis, M. Norris, T. Palmer, C. Weaver a D.E. Williams

Roedd y swyddogion canlynol yn bresennol yn y cyfarfod:

C. Moore - Swyddog Adran 151 y Cyd-bwyllgor (Cyngor Sir Caerfyrddin)
L. Rees-Jones - Swyddog Monitro'r Cyd-bwyllgor (Cyngor Sir Caerfyrddin)
C. Lee - Cyfarwyddwr Corfforaethol Adnoddau (Dinas Caerdydd)
P. Griffiths - Cyfarwyddwr Gwasanaeth Cyllid a Gwella (Rhondda Cynon Taf)
N. Aurelius - Prif Weithredwr Cynorthwyol - Adnoddau (Cyngor Bwrdeistref Sirol Torfaen)
P. Latham - Pennaeth Cronfa Bensiwn Clwyd (Cyngor Sir y Fflint)
J. Thomas - Pennaeth y Gwasanaethau Ariannol (Cyngor Sir Penfro)
J. Dong - Dirprwy Swyddog Adran 151/ Prif Swyddog Cyllid (Dinas a Sir Abertawe)
D. Edwards - Prif Swyddog Cyllid (Cyngor Gwynedd)
A. Parnell – Rheolwr y Trysorlys a Buddsoddiadau Pensiwn (Cyngor Sir Caerfyrddin)
T. Williams - Uwch-swyddog Gwasanaethau Ariannol (Cyngor Sir Caerfyrddin)
M Evans Thomas - Pen-swyddog Gwasanaethau Democrataidd (Cyngor Sir Caerfyrddin)
[Cymryd nodiadau]
M. Davies - Swyddog Gwasanaethau Democrataidd (Cyngor Sir Caerfyrddin)
[Cynorthwyo]
S. Hendy – Swyddog Gwasanaethau Aelodau [Gweddarlledu]
A. Eynon – Cyfieithydd ar y Pryd (Cyngor Sir Caerfyrddin)

Hefyd yn bresennol i gyflwyno adroddiadau:

J. Garcia – Archwilio Cymru
I. Colvin – Hymans Robertson
J. Wright - Hymans Robertson
E. Gough - Link Fund Solutions
R. Thornton - Link Fund Solutions
D. Armstrong – Northern Trust
N. Round – Northern Trust
R. Smith – Northern Trust
A. Knell - Robeco
K. Robertson – Robeco
J. Leggate - Russell Investments
T. Paik - Russell Investments
A. Quinn - Russell Investments
S. Soerensen – Russell Investments

Hefyd yn bresennol fel sylwedyddion:

A. Bull - Rheolwr Buddsoddi Pensiynau (Cyngor Bwrdeistref Sirol Torfaen)
M. Falconer – Rheolwr Pensiynau (Dinas Caerdydd)
C. Hurst - Rheolwr y Gronfa Bensiwn (Cyngor Sir Penfro)
G. Watkins - Rheolwr y Gwasanaethau Refeniw (Dinas Caerdydd)



Y. Keitch - Prif Gyfrifydd (Rhondda Cynon Taf)
K. Cobb - Uwch Gyfrifydd (Dinas a Sir Abertawe)

Rhith-Gyfarfod - 10.00 yb - 12.10 yp

1. **PENODI CADEIRYDD Y CYD-BWYLLGOR LLYWODRAETHU AR GYFER Y FLWYDDYN CALENDR NESAF**

PENDERFYNWYD YN UNFRYDOL benodi'r Cynghorydd Clive Lloyd yn Gadeirydd y Cyd-bwyllgor Llywodraethu ar gyfer y flwyddyn galendr nesaf.

Diolchwyd i'r cyn-Gadeirydd am ei waith caled a'i gyfraniad i'r Cyd-bwyllgor yn ystod ei gyfnod fel Cadeirydd.

2. **PENODI IS-GADEIRYDD Y CYD-BWYLLGOR LLYWODRAETHU AR GYFER Y FLWYDDYN CALENDR NESAF**

PENDERFYNWYD YN UNFRYDOL benodi'r Cynghorydd Chris Weaver yn Is-gadeirydd y Cyd-bwyllgor Llywodraethu ar gyfer y flwyddyn galendr nesaf.

3. **YMDDIHEURIADAU AM ABSENOLDEB**

Ni chafwyd ymddiheuriadau am absenoldeb.

4. **DATGANIADAU O FUDDIANT**

Yr Aelod	Eitem Rhif ar yr Agenda	Buddiant
Y Cynghorydd G. Caron	Pob eitem ar yr agenda	Mae'n aelod sy'n talu ac yn aelod sy'n derbyn o Gronfa Bensiwn Gwent Fwyaf, mae ei wraig yn aelod gohiriedig ac mae ei fab yng nghyfraith yn aelod.
Y Cynghorydd P. Lewis	Pob eitem ar yr agenda	Aelod o Gronfa Bensiwn Powys
Y Cynghorydd C. Lloyd	Pob eitem ar yr agenda	Aelod o Gronfa Bensiwn Dinas a Sir Abertawe
Y Cynghorydd M. Norris	Pob eitem ar yr agenda	Aelod o Gronfa Bensiwn Rhondda Cynon Taf
Y Cynghorydd T. Palmer	Pob eitem ar yr agenda	Mae ei bartner a'i ferch yn aelodau o Gronfa Bensiwn Clwyd
Y Cynghorydd E. Williams	Pob eitem ar yr agenda	Aelod o Gronfa Bensiwn Dyfed

[Sylwer: Ceir eithriad yn y Côd Ymddygiad ar gyfer Aelodau, sy'n caniatáu i aelod a benodwyd neu a enwebwyd gan ei awdurdod i gorff perthnasol ddatgan y buddiant hwnnw ond aros a chymryd rhan yn y cyfarfod.]



5. LLOFNODI YN GOFNOD CYWIR COFNODION Y CYFARFOD A GYNHALIWYD AR Y 24AIN MAWRTH, 2021.

PENDERFYNWYD YN UNFRYDOL Iofnodi cofnodion cyfarfod y Cyd-bwyllgor Llywodraethu oedd wedi'i gynnal ar 24 Mawrth 2021 gan eu bod yn gywir.

6. DATGANIAD/ARCHWILIAD BLYNYDDOL 2020/21

[SYLWER: Roedd y Cynghorwyr G. Caron, P. Lewis, C. Lloyd, M. Norris, T. Palmer ac E. Williams wedi datgan buddiant yn yr eitem hon yn gynharach.]

Cyflwynodd Swyddog Adran 151 y Cyd-bwyllgor y Ffurflen Flynyddol wedi'i harchwilio ar gyfer 2020/21. Roedd adrannau Datganiadau Cyfrifon a Datganiad Llywodraethu Blynyddol y Ffurflen Flynyddol wedi'u paratoi gan yr Awdurdod Cynnal yr oedd ei Adain Archwilio Mewnol wedi cynnal Adolygiad Archwilio Mewnol.

Roedd y Ffurflen Flynyddol hefyd wedi'i harchwilio gan Archwilio Cymru a chyflwynodd Mr Jason Garcia o Archwilio Cymru y llythyr archwilio i'r Cyd-bwyllgor.

Roedd yr Awdurdod Cynnal hefyd wedi paratoi Datganiad Cyfrifon llawn i Bartneriaeth Pensiwn Cymru ar gyfer 2020/21. Nid oedd y Datganiad yn ofyniad statudol ac ni fyddai'n cael ei archwilio. Fe'i paratowyd er gwybodaeth yn unig, i gefnogi'r wybodaeth yn yr Adroddiad Blynyddol.

PENDERFYNWYD

6.1 Derbyn y llythyr gan Archwilio Cymru ynghylch Ffurflen Flynyddol Partneriaeth Pensiwn Cymru 2020/21;

6.2 Cymeradwyo'r Ffurflen Flynyddol wedi'i Harchwilio ar gyfer 2020/21;

6.3 Cymeradwyo'r Datganiad Cyfrifon llawn heb ei Archwilio ar gyfer 2020/21.

7. DIWEDDARIAD GAN YR AWDURDOD LLETYA

[SYLWER: Roedd y Cynghorwyr G. Caron, P. Lewis, C. Lloyd, M. Norris, T. Palmer ac E. Williams wedi datgan buddiant yn yr eitem hon yn gynharach.]

Cafodd y Cyd-bwyllgor ddiweddariad cynnydd mewn perthynas â'r meysydd allweddol canlynol:

- Llywodraethu;
- Sefydlu parhaus;
- Gwasanaethau gweithredwr;
- Cyfathrebu ac adrodd;
- Hyfforddiant a chyfarfodydd; ac
- Adnoddau, cyllideb a ffioedd.

PENDERFYNODD YN UNFRYDOL dderbyn diweddariad yr Awdurdod Cynnal.



8. ADOLYGIAD COFRESTR RISG CHWARTER 2 2021

[SYLWER: Roedd y Cynghorwyr G. Caron, P. Lewis, C. Lloyd, M. Norris, T. Palmer ac E. Williams wedi datgan buddiant yn yr eitem hon yn gynharach.]

Ystyriodd y Cyd-bwyllgor Adolygiad Cofrestr Risg Ch2 2021. Yn ystod y chwarter diwethaf, roedd y Gweithgor Swyddogion wedi cynnal adolygiad o rai o'r risgiau yn adran Llywodraethu a Rheoleiddio'r Gofrestr Risg h.y. Risgiau G.7 i G.12. Roedd yr adroddiad yn crynhoi canlyniadau'r adolygiad ar gyfer pob risg.

Yn ystod yr adolygiad cafodd dwy risg ychwanegol eu nodi a'u hychwanegu at y Gofrestr Risg, fel a ganlyn:-

G.13 - y risg y bydd data cyfrinachol/sensitif yn fasnachol yn cael ei ddatgelu, ei ddwyn neu ei roi yn y lle anghywir, a

G.14 - y risg y bydd Partneriaeth Pensiwn Cymru yn methu â nodi camarfer a chymryd camau i'w unioni.

PENDERFYNWYD YN UNFRYDOL gymeradwyo'r newidiadau i Gofrestr Risg Partneriaeth Pensiwn Cymru, fel y nodwyd yn yr adroddiad

9. ADOLYGIADAU POLISI BLYNYDDOL

[SYLWER: Roedd y Cynghorwyr G. Caron, P. Lewis, C. Lloyd, M. Norris, T. Palmer ac E. Williams wedi datgan buddiant yn yr eitem hon yn gynharach.]

Cafodd y Cyd-bwyllgor adroddiad yn manylu ar yr Adolygiadau Polisi Blynyddol a gynhaliwyd mewn perthynas â'r polisiau canlynol:-

- Polisi Gwrthdaro Buddiannau
- Polisi Risg
- Polisi Risg Hinsawdd

Cymeradwywyd y polisiau hyn gan y Cyd-bwyllgor Llywodraethu ym mis Gorffennaf 2020 ac roeddent wedi cael eu hadolygu a'u diweddarau gan y Gweithgor Swyddogion.

O ran y Polisi Gwrthdaro Buddiannau, cyfeiriwyd at 16.2 a gofynnwyd i swyddogion a oedd yn wirioneddol angenrheidiol i aelodau ddatgan buddiant yn holl eitemau'r agenda ac ym mhob cyfarfod ac oni ellid gwneud datganiad blynyddol yn ei le. Esboniodd Swyddog Monitro'r Cyd-bwyllgor ei bod yn ofynnol yn y Cod Ymddygiad bod aelodau'n datgan unrhyw buddiannau gwrthdaro ym mhob cyfarfod

PENDERFYNWYD YN UNFRYDOL gymeradwyo'r polisiau wedi'u diweddarau, fel y nodir uchod.



10. DIWEDDARIAD GAN Y GWEITHREDWR

[SYLWER: Roedd y Cynghorwyr G. Caron, P. Lewis, C. Lloyd, M. Norris, T. Palmer ac E. Williams wedi datgan buddiant yn yr eitem hon yn gynharach.]

Cafodd y Cyd-bwyllgor gyflwyniad ar gynnydd Partneriaeth Pensiwn Cymru mewn perthynas â'r meysydd allweddol canlynol:

- Daliannau Cyfredol y Gronfa;
- Cynnydd Lansio'r Gronfa;
- Diweddariad ac Ymgysylltiad Corfforaethol.

Roedd yr adroddiad hefyd yn rhoi'r wybodaeth ddiweddaraf am gynnydd a cherrig milltir yr Is-gronfeydd canlynol:-

- Cyfran 1 – Ecwiti Byd-eang
- Cyfran 2 – Ecwiti y DU
- Cyfran 3 - Incwm Sefydlog
- Cyfran 4 – Marchnadoedd Datblygol

PENDERFYNODD YN UNFRYDOL dderbyn y Diweddariad gan y Gweithredwr.

11. ADRODDIADAU PERFFORMIAD FEL AR 31 MAWRTH 2021

[SYLWER: Roedd y Cynghorwyr G. Caron, P. Lewis, C. Lloyd, M. Norris, T. Palmer ac E. Williams wedi datgan buddiant yn yr eitem hon yn gynharach.]

Cafodd y Cyd-bwyllgor gyflwyniad ar yr Adroddiadau Perfformiad fel yr oeddent ar 31 Mawrth 2021. Nodwyd bod yr is-gronfeydd wedi perfformio'n uwch/tanberfformio yn erbyn eu meincnodau priodol, fel a ganlyn:

- Perfformiodd Cyfleoedd Byd-eang 2.29% gros / 1.91% net yn uwch
- Perfformiodd Twf Byd-eang 3.42% gros / 2.96% net yn uwch
- Perfformiodd Cyfleoedd y DU 4.45% gros / 4.00% net yn uwch
- Perfformiodd Bond Llywodraeth Fyd-eang 1.83% gros / 1.71% net yn uwch
- Perfformiodd Credyd Byd-eang 1.22% gros / 1.12% net yn uwch
- Perfformiodd Credyd Aml-asedau 3.61% gros / 3.33% net yn uwch
- Perfformiodd Bond Elw Absoliwt 1.26% gros / 1.02% net yn uwch
- Tanberfformiodd Credyd y DU 0.15% gros / 0.22% net

Mewn ymateb i gwestiwn ynghylch pwy oedd yn gyfrifol am olrhain buddsoddiadau goddefol, dywedwyd wrth y Cyd-bwyllgor mai Blackrock oedd yn gyfrifol am hynny, ond mai mater i bob awdurdod cyfansoddol oedd penderfynu sut mae'n monitro ei fuddsoddiadau goddefol gyda Blackrock.

PENDERFYNWYD YN UNFRYDOL gymeradwyo Adroddiadau Perfformiad yr is-gronfeydd, fel y nodwyd uchod, fel yr oeddent ar 31 Mawrth 2021.



12. GORCHYMYN I'R CYHOEDD ADAEL Y CYFARFOD

PENDERFYNWYD YN UNFRYDOL, yn unol â Deddf Llywodraeth Leol 1972, fel y'i diwygiwyd gan Orchymyn Llywodraeth Leol (Mynediad at Wybodaeth) (Amrywio) (Cymru) 2007, orchymyn i'r cyhoedd adael y cyfarfod tra oedd yr eitemau canlynol yn cael eu hystyried, gan fod yr adroddiadau'n cynnwys gwybodaeth eithriedig fel y'i diffiniwyd ym mharagraff 14 o Ran 4 o Atodlen 12A i'r Ddeddf.

13. IS-GRONFA MARCHNADOEDD DATBLYGOL - NEWID RHEOLWR

Yn sgil gweithredu'r prawf budd y cyhoedd **PENDERFYNWYD YN UNFRYDOL**, yn unol â'r Ddeddf y cyfeiriwyd ati yng nghofnod rhif 12 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn debygol o achosi niwed ariannol i'r Gronfa Bensiwn ac o niweidio trafodaethau parhaus a thrafodaethau'r dyfodol.

[SYLWER: Roedd y Cynghorwyr G. Caron, P. Lewis, C. Lloyd, M. Norris, T. Palmer ac E. Williams wedi datgan buddiant yn yr eitem hon yn gynharach.]

Ystyriodd y Cyd-bwyllgor adroddiad yn cynnig newid un o reolwyr gwreiddiol yr Is-gronfa.

PENDERFYNODD YN UNFRYDOL gymeradwyo'r bwriad i newid rheolwr, fel y nodir yn yr adroddiad.

14. ADOLYGIAD BENTHYCA GWARANNAU BYD-EANG HYD AT 31 MAWRTH 2021

Yn sgil gweithredu'r prawf budd y cyhoedd, **PENDERFYNWYD YN UNFRYDOL**, yn unol â'r Ddeddf y cyfeiriwyd ati yng nghofnod 12 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn cael effaith andwyol ar Bartneriaeth Pensiwn Cymru drwy roi trafodaethau dan anfantais.

[SYLWER: Roedd y Cynghorwyr G. Caron, P. Lewis, C. Lloyd, M. Norris, T. Palmer ac E. Williams wedi datgan buddiant yn yr eitem hon yn gynharach.]

Cafodd y Cyd-bwyllgor adroddiad am yr Adolygiad Benthycy Gwarannau Byd-eang.

PENDERFYNWYD YN UNFRYDOL nodi Adolygiad Benthycy Gwarannau Byd-eang fel yr oedd ar 31 Mawrth 2021.

15. GWASANAETH YMGYSYLLTU ROBECO - ADRODDIAD YMGYSYLLTU Ch1 2021

Yn sgil gweithredu'r prawf budd y cyhoedd **PENDERFYNWYD YN UNFRYDOL**, yn unol â'r Ddeddf y cyfeiriwyd ati yng nghofnod rhif 12 uchod,



fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn debygol o achosi niwed ariannol i'r Gronfa Bensiwn ac o niweidio trafodaethau parhaus a thrafodaethau'r dyfodol.

[SYLWER: Roedd y Cynghorwyr G. Caron, P. Lewis, C. Lloyd, M. Norris, T. Palmer ac E. Williams wedi datgan buddiant yn yr eitem hon yn gynharach.]

Cafodd y Cyd-bwyllgor Adroddiad Ymgysylltu Ch1 2021.

PENDERFYNWYD YN UNFRYDOL dderbyn Adroddiad Ymgysylltu Ch1 2021.

16. ADRODDIADAU BUDDSODDI CYFRIFOL A RISG HINSAWDD - Ch1 2021

Yn sgil gweithredu'r prawf budd y cyhoedd **PENDERFYNWYD YN UNFRYDOL**, yn unol â'r Ddeddf y cyfeiriwyd ati yng nghofnod rhif 12 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn debygol o achosi niwed ariannol i'r Gronfa Bensiwn ac o niweidio trafodaethau parhaus a thrafodaethau'r dyfodol.

[SYLWER: Roedd y Cynghorwyr G. Caron, P. Lewis, C. Lloyd, M. Norris, T. Palmer ac E. Williams wedi datgan buddiant yn yr eitem hon yn gynharach.]

Cafodd y Cyd-bwyllgor yr adroddiadau Buddsoddi Cyfrifol a Risg Hinsawdd mewn perthynas â'r cronfeydd canlynol:-

- Is-Gronfa Twf Byd-eang
- Is-Gronfa Cyfleoedd Byd-eang
- Is-gronfa Cyfleoedd y DU

PENDERFYNWYD YN UNFRYDOL dderbyn yr Adroddiadau Buddsoddi Cyfrifol a Risg Hinsawdd ar gyfer Ch1 2021.

17. YMGYNGHORYDD DYRANWYR PARTNERIAETH PENSIYNAU CYMRU

Yn sgil gweithredu'r prawf budd y cyhoedd **PENDERFYNWYD YN UNFRYDOL**, yn unol â'r Ddeddf y cyfeiriwyd ati yng nghofnod rhif 12 uchod, fod y mater hwn yn cael ei ystyried yn breifat, gan beidio â gadael i'r cyhoedd fod yn bresennol yn y cyfarfod, gan y byddai datgelu gwybodaeth yn cael effaith andwyol ar y Gronfa Bensiwn drwy niweidio o bosib y broses gaffael.

[SYLWER: Roedd y Cynghorwyr G. Caron, P. Lewis, C. Lloyd, M. Norris, T. Palmer ac E. Williams wedi datgan buddiant yn yr eitem hon yn gynharach.]

Ystyriodd y Cyd-bwyllgor adroddiad yn cynnig penodi Ymgynghorydd Dyranwyr ar gyfer Partneriaeth Pensiwn Cymru, yn unol ag Atodlen 3 i'r Cytundeb Rhwng Awdurdodau.



PENDERFYNWYD YN UNFRYDOL benodi cynigydd 1, fel y nodwyd yn yr adroddiad, yn ymgeisydd a ffefrir ar gyfer Ymgynghorydd Dyranwyr Partneriaeth Pensiwn Cymru, yn amodol ar y telerau a nodwyd yn yr adroddiad.

CADEIRYDD

DYDDIAD

